

## Otvoren prvi BH Telecom Premium Showroom, jedini ove vrste u regiji

15.08.2022. Izvor: [www.bhtelecom.ba/](http://www.bhtelecom.ba/)



BH Telecom Premium Showroom, zvanično je otvoren u Sarajevu, i prvi je prodajni centar ove vrste u regiji, koji ima za cilj prezentacije i pružanja svih usluga BH Telecoma na jednom mjestu. Objekat se prostire na oko 750 m2, a adaptacija i pripremanje prostora je trajala preko tri mjeseca, kako bi bio predstavljen brojnim građanima i gostima tokom Sarajevo Film Festivala. U prvoj fazi projekta je zvanično predstavljen Premium Showroom, dok će u narednoj fazi otvoriti objekat za razvoj platformi u koje BH Telecom aktivno investira.

„Naša vizija je bila da u okviru festivalskog perioda za sve naše korisnike usluga i posjetioce, upriličimo otvaranje prve faze realizacije projekta Premium Showrooma. U narednoj fazi planiramo razvoj platformi koje već gradimo, poput prostorija za AV produkciju, kreiranje pilot projekata, pisanja scenarija, platformi za start up-e i poslovne korisnike“, istakao je Sedin Kahrman, direktor kompanije BH Telecom. Kako je najavio ovim se BH Telecom potpuno otvorio prema korisnicima, koji na ovakvim prodajnim mjestima mogu imati uvid u kompletnu ponudu i doživjeti najsavremenije korisničko iskustvo. U narednom periodu se očekuje otvaranje još četiri BH Telecom Premium Showrooma u BiH.

Kako je istakao Jovan Marjanović, direktor Sarajevo Film Festivala uloga BH Telecoma potpuno je promijenila paradigmu u bh. kinematografiji. „Već danas su snimajući dani u Sarajevu najmanje četiri puta veći nego prije ulaska BH Telecoma u razvoj ove grane, a blizina ovog BH Telecom Premier Showrooma i Festivalnog trga samo će pojačati sinergiju naših kompanija“, zaključio je Marjanović.

Vlada Federacije Bosne i Hercegovine je prepoznala važnost povezivanja dva najjača domaća brenda, i spremna je i dalje aktivno učestvovati u njihovom razvoju. „Kao većinski vlasnik BH Telecoma, Vlada FBiH se ponosi njihovim radom, a ovaj Showroom, najmoderniji u BiH je posljednji dokaz toga. BH Telecom je kompanija koja zna da je izgradnja dugoročnog odnosa ključ uspješnog poslovanja. Čestitamo svima na realizaciji projekta i ovim možemo najaviti novu telekomunikacijsku eru u našoj zemlji“, izjavio je Fadil Novalić, premijer Vlade FBiH, čijim je obraćanjem zvanično otvoren prvi BH Telecom Premium Showroom.

U postupku nabavke učešće je uzelo 12 kompanija, kako bi se konačni ugovor potpisao sa arhitektonsko izvođačkim konzorcijem AHN Group i Alprom d.o.o. Sarajevo, a realizacija investicije u prvoj fazi je iznosila oko 900.000 KM.